


唐詩類苑



唐詩類苑第七卷

仁和卓明卿澂父編輯

華亭張之象玄超

長洲毛文蔚豹孫同校

歲時部

元正

太宗元日一首

高軒愛春色
邃閣媚朝光
彤庭飛彩旆
翠幌曜明璫
恭已臨四極
垂衣馭八荒
霜戟列丹陛
絲竹韻長廊
穆矣薰風茂
康哉帝道昌
繼文遵後軌
循古鑒前王

草秀故春色梅豔昔年粧巨川思欲濟終以寄丹航
許敬宗奉和元日應制一首

天正開初節日觀上重輪百靈滋景祚萬玉慶惟新
待旦敷玄造韶旒御紫宸武帳臨光宅文衛象勾陳
廣廷揚九奏六帛麗三辰發生同化育播物體陶鈞
霜空澄曉氣霞景瑩芳春德暉覃率土相賀奉還淳

太宗正日臨朝一首

條風開獻節仄律動初陽百蠻奉遐賚萬國朝未央
雖無舜禹跡幸欣天地康車軌同八表書文混四方
赫奕儼冠蓋紛綸盛服章羽旄飛馳道鍾鼓震崑廊

組練輝霞色霜戟曜朝光晨宵懷至理終愧撫遐荒
魏徵奉和正日臨朝一首

百靈待軒后萬國會塗山豈如今濬哲邁古獨光前
聲教溢四海朝宗引百川鏘洋鳴玉珮灼爍輝金蟬
淑景輝雕輦高旌揚翠煙庭實超王會廣樂盛鈞天
既欣東日戶復詠南風篇願奉光華慶從斯萬億年
岑文奉和正日一首

時雍表昌運日正叶靈符德蕪三代禮功包四海圖
踰沙紛在列執玉儼相趨清蹕喧輦道張樂駭天衢
拂蜺九旗映儀鳳八音殊佳氣浮仙掌薰風繞帝梧

天文光七政皇恩被九區方陪痊玉禮珥華岱山隅

李元操奉和正日臨朝一首

銅渾變秋節玉律動年灰暖七城霞旦隱隱禁門開
眾靈輳仙府百神朝帝臺葉令雙鳧至梁王駟馬來
戈鋌映林闕歌管拂塵埃保章望瑞氣尚書免火災
冠冕多秀士簪裾饒上才誰怜張仲蔚日暮反蒿萊

李百藥奉和正日臨朝一首

化曆昭唐典承天順夏止白靈警軒禁三辰揚旆旌
充庭富禮樂高讌齒簪纓獻壽符萬歲移風韻九成

顏師古奉和正日臨朝一首

七政璿衡始三元寶曆新負袞延百辟垂旒銜九賓
肅七皆鴛鷺濟濟盛纓紳天涯致重譯西域獻奇珍

楊師道奉和正日臨朝一首

皇猷被寰宇端袞屬元辰九重麗天邑千門臨上春

武平一奉和正日朔賜群臣栢葉一首

綠葉迎春綠寒枝歷歲寒願持栢葉壽長奉萬年歡

趙彥昭元日恩賜栢樹應制一首

噐乏雕梁噐材非構厦材但將千歲葉常奉萬年杯

李乂元日恩賜栢樹應制一首

勁節凌冬勁芳心待歲芳偏令人益壽非止麝含香

張說元朝一首

元日今歲樂不謝往年奉智向來心道誰為昨夜人

張說正朝摘梅一首

蜀地寒猶煖正朝發早梅偏驚萬里客已復一年來

楊正玄正朝上左丞相張燕公一首

歲去愁終在春還命不來長吁問丞相東閣幾時開

孟浩然出家元日一首

昨夜斗迴北今朝歲起東我年已強仕無祿尚憂農

野老就耕去鋤荷隨牧童田家占氣候共說此年豐

杜甫元日寄韋氏妹一首

近聞韋氏妹迎在漢鍾離郎伯殊方鎮京華舊國移
春城迴北斗郢樹發南枝不見朝正使啼痕滿面垂

杜甫元日示宗武一首

汝啼吾手戰吾笑汝身長處處逢正月迢迢滯遠方
飄零還栢酒衰病只藜床訓諭青衿子名慙白首郎
賦詩猶落筆獻壽更稱觴不見江東弟高歌淚數行

張說幽州新作一首

去歲荆南梅似雪今春薊北雪如梅共知人事何常
定且喜年華往復來邊鎮戍歌連日動京城燎火徹
明開遙上西向長安日願上南山壽一杯

立春

中宗立春遊苑迎春一首

神臯福地三秦邑玉臺金闕九仙家
寒水猶戀耳泉樹淑景催臨建始花
綵蝶黃鶯未欲舞梅花柳色已堪誇
迎春正啓流霞席暫囑驥輪勿遽斜

廬藏用奉和立春遊苑迎春應制一首

天遊龍輦駐城闈上苑暉光晚更新
瑤臺半入黃山路玉檻傍臨玄灞津
梅香欲待歌前落蘭氣先過酒上春
預幸栢臺稱獻壽願陪千畝及農辰

崔日用奉和立春遊苑迎春應制一首

乘時迎氣正璿衡灞澆煙氛向曉清
剪綺裁紅紗春色宮梅散柳識天情
瑤筐綵燕先呈瑞金縷晨鷄未學鳴
聖澤陽和宜宴樂年七捧日向東城

閻朝隱奉和立春遊苑迎春應制一首

管籥周移宸極裏乘輿望奉斗城闈
草根未結青絲縷蘿蕙猶垂綠帟巾
鵲入巢中言改歲燕銜書上道宜新
願得長繩繫取日光臨天子萬年春

沈佺期奉和立春遊苑應制一首

東郊暫轉迎春仗上苑初飛行慶杯
風射蛟冰千片斷氣衝魚鑰九閔開
林中覓草纔生蕙殿裏爭花併

是梅歌吹銜恩歸路晚棲烏半上鳳城來

李適奉和立春遊苑迎春應制一首

金輿翠輦迎嘉節御苑仙宮待獻春
淑氣初銜梅色淺條風半拂柳墻新
天杯慶壽齊南岳聖藻光輝動北辰
稍覺披香歌吹近龍驂薄暮下城闈

馬懷素奉和立春遊苑迎春應制一首

玄籥飛灰出洞房青郊迎氣肇初陽
仙輿暫下宜春苑銜醴行開薦壽觴
映水輕苔猶隱綠綠堤弱柳未舒黃
唯有栽花餽簪髮恒隨聖藻狎年光

常元旦奉和勅日遊苑迎春應制一首

灞浹長安恒近日殷正臘月早迎新
池魚戲葉仍含凍宮女栽花已作春
向苑雲疑承翠幄入林風若起青蘋年
七斗柄東無限願挹瓊觴壽北辰

上官昭容奉和聖製立春侍宴內殿出剪綵

花應制一首

密葉因裁吐新花逐剪舒攀條雖不謬
摘蔬詎知虛春至由來發秋還未肯踈
借問桃將李相亂欲何如劉憲奉和聖製
立春侍宴內殿出剪綵花

應制一首

上林宮館好春心獨早知剪花疑始發
刻燕似新窺

唐詩類苑 卷之七 應制
色濃輕雪點香淺嫩風吹此日叨倍侍恩榮得數枝
趙彥昭奉和聖製立春日侍宴內殿出剪綵
花應制一首

剪綵迎初候攀條寫故真花隨紅意發葉就綠情新
嫩色驚啣燕輕香誤採人應爲東風拂能令芳樹春
宋之問奉和聖製立春日侍宴內殿出剪綵
花應制一首

金閣粧仙杏瓊筵弄綺梅人間都未識天上忽先開
蝶遶香絲住蜂憐艷綵迴今年春色早應爲剪刀催
李嶠奉和聖製立春日侍宴內殿出剪綵花

應制一首

早欲聞年至剪綵學芳辰綴綺奇能似裁紅巧過真
花從篋裏發葉向手中春不與韶光競何名天上人
蕭頴奉和聖製立春日侍宴內殿出剪綵花
應制一首

曉入宜春苑穠芳吐禁中剪刀因製素粧粉爲開紅
彩異驚流雪香饒點便風裁成識天意萬物與花同
武平一奉和立春日內出綵花樹應制一首

鑾輅青旂下帝臺東郊郊苑望春來黃鶯未解林間
嚶紅蕖先從殿裏開畫角條風初變柳銀塘曲水半

唐詩類苑 卷之七 崔湜奉和立春日內出綵花樹應制一首
含苔正逢春藻光韶律更促霞觴畏景催

崔湜奉和立春日內出綵花樹應制一首

澹蕩春光滿曉空逍遙御輦入離宮山河降望雲天
外臺閣參差煙霧中庭際花飛錦綉合枝閒鳥囀管
絃同即此歡娛齊鎬宴唯應率舞樂薰風

劉憲奉和立春日內出綵花樹應制一首

禁苑韶年此日歸東郊道上轉青旂柳色梅芳何處
所風前雪裏覓芳菲開冰池內魚新躍剪綵花開燕
始飛欲識王遊布陽氣爲觀天藻競春輝

岑羲奉和立春日內出綵花樹應制一首

和風助律應韶年清蹕乘高入望仙花笑鶯歌迎帝
輦雲披日霽俯皇川南山近壓仙樓上北斗平臨魏
闕前一奉恩榮同鎬宴空如率舞聽熏絃

孫逖和左司張員外自洛使入京中路先赴

長安逢立春日贈常侍御及諸公一首

忽覩雲間數鴈迴更逢山上一花開河邊淑氣迎芳
草林下輕風待落梅秋憲府中高唱入春卿署裡和
歌來共言東閣招賢地自有西征作賦才

杜甫立春一首

春日春盤細生菜忽憶兩京梅發時盤出高門行白

上菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

人日

高適人日寄杜二拾遺一首

人日題詩過草堂遙憐故人思故鄉柳條弄色不忍
見梅花滿枝空斷腸身在南蕃無所預心懷百憂復
千慮今年人日空相憶明年人日知何處一卧東山
三十春豈知書劍老風塵龍鍾還忝二千石媿爾東
西南北人

杜甫追酬故高蜀州人日見寄一首

自蒙蜀州人日作不意清詩又零落今晨散帙眼忽
開送淚幽吟事如昨嗚呼壯士多慷慨合沓高名動
寥廓嘆我悽悽求友篇感時鬱鬱匡君畧錦里春光
空爛熳瑤墀侍臣已冥冥瀟湘水國旁鼉鼉鄆杜秋
天失鵬鸞東西南北更堪論白首扁舟病獨存遶拱
北辰纏寇盜欲傾東海洗乾坤邊塞西蕃最充斥衣
冠南渡多崩奔鼓瑟至今悲帝子曳裾何處覓王門
文章曹植波瀾濶服食劉安得業長尊筩誰能亂愁
思昭州詞翰與招魂

宋之問軍中人日登高贈房明府一首

幽郊昨夜陰風斷頓覺朝來陽吹暖涇水橋南柳欲黃
杜陵城北花應滿長安昨夜寄春衣翻短登茲一望
歸聞道凱旋乘騎人看君走馬見芳菲

杜甫人日一首

元日到人日未有不陰時冰雪鸞難至春寒花較遲
雲隨白水落風振紫山悲蓬髮稀疎少無勞比素絲

鄭愔人日侍宴大明宮應制一首

瓊殿含光映早輪玉鑾嚴蹕應初晨池開凍水仙宮
麗樹發寒花禁苑新佳氣徘徊籠細網殘雲浙瀝染
輕塵良時荷澤皆迎勝窮谷晞陽猶未春

趙彥昭人日侍宴大明宮應制一首

寶契無爲屬聖人凋輿出幸玩芳辰平樓半入南山
霧飛閣旁臨東墅春夾路穠花千樹發垂軒弱柳萬
條新處處風光今日好年年願奉屬車塵

杜甫人日一首

此日此時人共得一談一笑俗相看樽前栢葉休隨
酒勝裏金花巧耐寒佩劍衝星聊暫拔匣琴流水自
須彈早春重引江湖興直道無憂行路難

喬侃人日登高一首

僕本多悲者年來不悟春登高一遊日始覺柳條新

唐詩類苑 卷之七
杜陵猶識漢桃源不辨秦蹇若生風霧還似出囂塵
賴得烟霞氣淹留攀桂人

陳子昂綵樹歌一首

嘉錦筵之珍樹兮錯衆綵之氤氳狀瑤臺之微月點
巫山之朝雲青春不可兮逢况薰色之增芬結芳意
而誰賞怨絕世之無聞紅榮碧艷坐看歇素華流年
不待君故吾思崑崙之琪樹厭桃李之繽紛

裴延味剪花一首

花寒未聚蝶色艷已驚人懸知陌上柳應妬手中春

沈佺期剪綵一首

宮女憐芳樹裁花競早榮寒依刀尺盡春向綺羅生
弱帶隨絲發香蕤結素成纖枝幸不棄長向玉階傾

張九齡剪綵一首

姹女務容色爲花不讓春旣爭芳意早誰待物華直
葉作參差發枝從點綴新自然無限態長在艷陽人

徐延壽人日一首

閨婦持刀坐自憐裁剪新葉催情綴色花寄手成春
帖燕留粧戶黏鷄欲餉人擎來問夫婿何處不如直
馬懷素奉和人日宴大明宮恩賜綵縷人勝

應制一首

唐詩類苑 卷之七
萬宇千門平旦開天容辰象列昭回三陽候飾金爲
勝百福迎祥玉作杯就暖風光偏着柳辭寒雪影半
減梅何幸待參詞賦職自憐終乏馬卿才

崔日用奉和人日宴大明宮恩賜綵縷人勝
應制一首

新年宴樂正東朝鍾鼓鏗鏗大樂調金屋瑤筐開寶
勝花箋綵筆頌春椒曲池苔色冰前液上苑梅香雪
裏飄宸極此時飛聖藻微臣竊抃預聞韶

李嶠奉和人日宴大明宮恩賜綵縷人勝應
制一首

鳳城景色已含韶人日風光倍覺饒桂吐半輪迎此
夜莫開七葉應今朝魚猜水凍行猶澁鶯喜春聲弄
欲嬌媿奉登高搖綵筆欣逢御氣上丹青

常元旦奉和人日宴大明宮恩賜綵縷人勝
應制一首

鸞凰旌旗拂曉陳魚龍角觝大明晨青韶旣肇人爲
日綺勝初成日作人聖藻凌雲裁栢賦仙歌從宴摘
梅春垂旒一慶宜年酒朝野俱歡薦壽新

蘇頌奉和人日宴大明宮恩賜綵縷人勝應
制一首

疏龍磴道切昭回建鳳旗門遠帝臺七葉仙莫承月
吐千株御柳拂煙開初年競貼宜春勝長命先添獻
壽杯是日最靈知竊幸群心能捧大明來

李義府奉和人日宴大明宮恩賜綵縷人勝

應應一首

詰旦行春上苑中憑高却下大明宮千年執象宸瀛
泰七日爲人慶賞隆鉄鳳層騫搖瑞雪銅鳥細轉入
祥風此時朝野歡無筭此歲雲天樂未窮

沈佺期奉和人日宴大明宮恩賜綵縷人勝

應制一首

拂旦鷄鳴仙衛陳憑高龍首帝城春千官黼帳杯前
壽百福香奩勝裏人山鳥初來猶怯囀林花未發已
偷新天文正應韶光轉設報懸知用此辰

李適奉和人日宴大明宮恩賜綵縷人勝應

制一首

朱城待鳳韶年至碧殿疏龍淑氣來寶帳金屏人已
帖圖花學鳥勝初栽林香近接宜春苑山翠遙添獻
壽杯向夕憑高風景麗天文垂耀象昭回

唐詩類苑

卷第七終

十三

松齋雅本

唐詩類苑卷第七終

唐詩類苑第八卷

仁和卓明卿澂父編輯

華亭張之象玄超

長洲毛文蔚豹孫同校

歲時部

正月十五

薛曜正夜侍宴應制一首

重關鍾漏通夕散鳳凰宮雙闕祥煙裏千門明月中
酒杯浮湛露歌曲唱流風侍臣咸醉止恒愧遇恩崇

玄宗軒遊宮十五日夜一首

唐詩類苑

卷第八

歲時部

一

松齋雅本

行邁離秦國巡方赴洛師路逢三五夜春色暗中期
關外長河轉宮中淑氣遲歌鍾對明月不減舊遊時
孫逖正月十五夜應制一首

洛城三五夜天子萬年春綵仗移雙闕瓊筵會九賓
舞成蒼頡字燈作法王輪不覺東方日遙隨御藻新
蘇味道上元一首

火樹銀花合星橋鈇鎖開暗塵隨馬去明月逐人來
遊妓皆穠李行歌盡落梅金吾不禁夜玉漏莫相催

郭利正上元一首

九陌連燈影千門慶月華傾城出寶騎匝路轉香車

爛熳唯愁曉周遊不問家更逢清管發處處落梅花
長孫止隱上元夜效小庾體同用春字一首

并序

九谷帝畿山川輿域交風均露上分朱鳥之纏
沂洛背河下鎖蒼龍之闕多近臣之第宅卽嗽
銅街有貴戚之樓臺自連金苑美人競出錦障
如霞公子交馳雕鞍似月同遊洛浦疑尋稅馬
之津爭渡河橋似向牽牛之渚實昌年之樂事
令節之佳遊者焉

薄晚嘯遊人車馬亂驅塵月光三五夜灯焰一重春

烟雲迷北闕簫聲識南隣洛城終不閉更出小平津
陳嘉言上元夜効小庾體同用春字一首

今夜可憐春河橋多麗人寶馬金爲絡香車玉作輪
連手窺潘椽分頭看洛神重城自不掩出向小平津
崔知賢上元夜効小庾體同用春字一首

今夜啓城闈結伴戲芳春鼓聲撩亂動風光觸處新
月夜尋遊騎灯前饒看人歡樂無窮已歌舞達明晨

韓仲宣上元夜効小庾體同用春字一首

他鄉月夜人相伴看燈輪光隨九華出影共百枝新
歌鍾盛北里車馬沸南鄰今宵何處好唯有洛城春

高瑾上元夜効小庾體同用春字一首

初年三五夜相知一兩人連鑣出巷口飛轂下池漚
灯光怯似月人面併如春遨遊終未已相歡待月輪

盧照鄰十五夜觀灯一首

錦里開芳宴蘭缸艷早年縵絲遙分地繁光遠綴天
接漢疑星落依樓似月懸別有千金笑來映九枝前
王諷十五夜觀燈一首

暫得金吾夜通看火樹春停車傍明月走馬入紅塵
妓襍歌偏勝場移舞更新應湏盡記取說向不來人

張說十五夜御前口號踏歌詞二首

唐詩類苑 卷之八
花萼樓前雨露新長安城裏太平人龍啣火樹千
艷鷄踏蓮花萬樹春

帝宮三五戲春臺行雨流風莫妬來西域歛輪千影
合東華金闕萬重開

崔液上元六首

玉漏銅壺且莫催鈇闕金鎖徹明開誰家見月能閑
坐何處聞歛不看來

今年春色勝常年此夜風光最可憐鳩鵲樓前新月
滿鳳凰臺上寶歛燃
神歛佛火百輪張刻象圖容七寶裝影裏如聞金白

說空中自放玉毫光

金勒銀鞍控紫騮土輪珠憶駕青牛驂驪始散東城
曲倏忽還來南陌頭

公子王孫意氣驕不論相識也相邀最憐長袖風前
弱更賞新絃暗裏調

星移漢轉月將微露洒煙飄燈漸稀猶惜道傍歌舞
處踟躕相顧不能歸

蘇味道十五夜遊一首

今夕重門啓遊春得夜芳月華連晝色燈影星襟光
南陌青絲騎東鄰紅粉粧管絃遙辯曲羅綺暗香聞

人擁行歌路車攢開舞場經過猶未已
鍾鼓出長楊
王維奉和聖製正月十五夜燃燈繼以酺宴
應制一首

上路笙歌滿春城刻漏長遊人多晝日
明月讓燈光
魚鑰通翔鳳龍輿出建章九衢陳廣樂
百福透名香
仙妓來金殿都人遠玉堂定應輪妙舞
從此學新粧
奉引迎三事司儀列萬方願將天地壽
同以獻君王
王維同北部樞員外十五夜遊有懷靜者李

一首

承明少休沐建禮省文書夜漏行人息
歸鞍落日餘

懸知三五夕萬戶千門闕夜出曙翻歸
傾城滿南陌
陌頭馳騁盡繁華王孫公子五侯家
由來月明如白日
共道春灯勝百花聊看侍中千寶騎
強識小婦七香車
香車香車寶馬共喧闐箇裏多情俠
少年競向長楊柳市北肯過精舍竹林
前獨有仙郎心寂寞却將宴坐爲行樂
儻覺忘懷共往來幸霑同舍耳
蒸藿

張仲素上元日聽太清宮步虛一首

仙客開金籙元辰會玉京靈歌賓紫府
雅韻出層城
磬磔音徐徹風飄嚮更清
紆余空外盡斷續聽中生
舞鶴紛將集流雲駐未行
誰知九陌上塵俗仰遺聲

唐詩類苑 卷之八

耗磨日

趙冬曦耗磨日飲二首

耗磨傳茲日縱橫道未宜但令不忌醉翻是樂無為

二

上月今朝減流傳耗磨辰還將不時事同醉俗中人

張說耗磨日飲一首

春來半月度俗騎一朝閑不酌他鄉酒無堪對楚山

月晦

王維晦日遊大理常卿城南別業四首

與世澹無事自然江海人側聞塵外遊解駮靴朱輪

平野照暄景上天垂春雲張組竟北阜泛舟過東隣
故鄉信高會牢醴及佳辰幸同擊壤樂心荷堯為君

二

郊居杜陵下永日同携手入里藹川陽平原見峯首
園廬鳴春鳩林薄媚新柳上卿始登席故老前為壽
臨當遊南陂約略執盃酒歸與紉微官惆悵心自咎

又

冬中餘雪在墟上春流駛風日暢懷抱山川好天氣
彫胡先晨炊庖膾亦後至高情浪海岳浮生寄天地
君子外簪纓埃塵良不啻所樂衡門中陶然忘其貴

唐詩類苑 卷之八 歲時部 六 松齋雅本

又

高館臨澄陂曠然蕩心目淡蕩動雲天玲瓏映墟曲
 鵲巢結空林雉雊響幽谷應接無閑暇徘徊以躑躅
 紆組上春堤側弁倚喬木弦望忽已晦後期洲應綠
 韓滉晦日呈諸判官一首
 晦日新晴春日嬌萬家攀折渡長橋年年老向江城
 寺不覺春風換柳條

太宗月晦一首

晦魄移中律凝暄起麗城罩雲朝蓋上穿露曉珠呈
 笑樹花分色啼枝鳥合聲披衿歡眺望極目暢春情

張說晦日一首

晦日嫌春淺江浦看瀟衣道傍花欲合枝上鳥猶稀
 共憶浮橋晚無人不醉歸寄書題此日鴈過洛陽飛

杜審言晦日宴遊一首

日晦隨萱莢春情著杏花解紳宜就水張幕會連沙
 歌管風輕度池臺日半斜更看金谷騎爭向石崇家

陳子昂晦日宴高氏林亭同用華字一首并序

有渤海之宗英是平陽之貴戚發揮鳳臺而嘯
 侶幽替鷄川而留宴冠纓濟濟多延戚里之賓

鸞鳳銜銜自有文雅之客

尋春遊上路追宴入山家主第簪纓滿皇州景望華
玉池初吐溜珠樹始開花歡娛方未極林閣散餘霞
劉友賢晦日宴高氏林亭同用華字一首

春來日漸賒琴酒逐年華欲向文通徑先遊武子家
池碧新流滿晶紅落照斜興蘭情未盡步步惜風花
崔知賢晦日宴高氏林亭同用華字一首

上月河湯地芳辰景望華綿蠻變時鳥照曜起春霞
柳搖風處色柳散日前化淹留洛城晚歌吹石崇家
韓仲宣晦日宴高氏林亭同用華字一首

欲知行有樂芳罇對物華地接安仁縣園是季倫家
柳處雲疑葉梅間雪似花日落歸途遠畝與伴煙霞

長孫正隱晦日宴高氏林亭同用華字一首

梅晚屬烟霞遨遊重歲華歌鍾雖戚里林藪是山家
細雨猶開日深池不漲沙淹留迷處所富岫幾重花
高瑾晦日宴高氏林亭同用華字一首

試入山亭望言是石崇家二月風光起三春桃李花
鶯吟上喬木鴈徃息平沙相看會取醉寧知還路賒
弓嗣初晦日宴高氏林亭同用華字一首

上序春輝麗中園物候華高才盛文雅逸興滿烟霞

參差金谷樹皎鏡碧塘沙蕭散林亭晚倒載欲還家
高球晦日宴高氏林亭同用華字一首

溫洛年光早皇州景望華連鑣尋上路乘興入山家
輕苔網危石春水架平沙賞極極林塘暮處處起煙霞

周彥昭晦日宴高氏林亭同用華字一首

勝地臨鷄浦高會偶龍沙御柳驚春色仙筇掩月華
門邀千里馭杯泛九光霞日落山亭晚雷送十香車

陳嘉言晦日宴高氏林亭同用華字一首

公子申敬愛携朋玩物華人是平陽客地即石崇家
水文生舊浦風色滿新花日暮連歸騎長洲照晚霞

郎餘令晦日宴高氏林亭同用字一首

三春休晦節九谷泛年華半晴餘細雨全晚澹殘霞
樽開疎竹葉管應落梅花興闌相顧起流水送香車

高紹晦日宴高氏林亭同用華字一首

嘯侶入山家臨春玩物華葛絲調綠水桂醕酌丹霞
岸柳開新葉庭梅落早花興洽林亭晚方還倒載車

徐皓晦日宴高氏林亭同用華字一首

綺筵乘暇景瓊醕對年華門多金埒騎路引玉人車
蘋早猶藏葉栢殘正落花藹藹林亭晚餘興泛流霞

王茂時晦日宴高氏林亭同用華字一首

勝踐尋良會乘春玩物華還隨張放友來向石崇家
止水分崑鏡開庭枕浦沙未極清泉賞參差落照斜

周思鈞晦日宴高氏林亭同用華字一首

早春驚柳燧初晦掩莫華騎出平陽里筵開衛尉家
竹影含雲密池紋帶雨斜重惜林亭晚上路蒲烟霞
高嶠晦日宴高氏林亭同用華字一首

飛歡寫春望開宴坐汀沙積溜含苔色晴空蕩日華
歌入平陽地舞對石崇家莫慮能騎馬能轄自停車

周彥暉晦日宴高氏林亭同用華字一首

砌奠收晦魄津柳競年華既狎忘筌友方淹投轄車

綺筵迴舞雪瓊醕泛流霞雲低上天晚絲竹帶風斜

王維晦日宴高氏林亭同用華字一首

上序披林館中京視物華竹窓低露葉梅逕起風花
景落春臺霧池侵舊渚沙綺邀歌吹晚暮雨泛香車

張錫晦日宴高氏林亭同用華字一首

雪盡銅駝路花照石崇家年光開柳色池影汎雲華
負洽情方遠春歸景未賒欲知多暇日罇酒積澄霞

鮮玃晦日宴高氏林亭同用華字一首

玉第簪裾出玉畿春照華山亭一晚眺城闕帶烟霞
橫堤列錦帳傍浦駐香車歡娛屬晦節酌酎未還家

高正臣晦日置酒林亭同用華字一首

正月符嘉節三春翫物華
忘懷寄罇酒陶性狎山家
柳翠含煙葉梅芳帶雪花
光陰不相惜遲遲落景斜

周彥暉晦日重宴同用池字一首

春華歸柳岸晦景落莫枝
置驛銅樹石開筵王浦郵
林煙含障密竹雨帶珠危
興闌巾倒載山公下習池

韓仲宣晦日重宴同用池字一首

鳳苑先吹晚龍樓夕照披
陳遵已投轄山公正坐池
落日催金奏飛霞送玉卮
此時陪綺席不醉欲何爲

高瑾晦日重宴同用池字一首

忽聞鶯響谷於此命相知
正開彭澤酒來向高陽池
柳葉風前弱梅花影處危
賞洽林亭晚落照下參差

陳嘉言晦日重宴同用池字一首

高門卧冠蓋下客抱支離
綺席珍羞浦文場藻翰摛
莫華彫上月柳色藹春池
日斜歸戚里連騎勒金羈

弓嗣初晦日重宴同用池字一首

年華藹芳隰春溜涌新池
促賞依三友延歡寄一卮
鳥聲隨管變花逐影風移
行樂方無極淹留惜晚曦

周思鈞晦日重宴同用池字一首

綺筵乘晦景高宴下陽池
濯雨梅香散含風柳色移

輕塵依扇落，流入絃危。勿顧林亭晚，方歡雲霧披。
高嶠晦日重，宴同用池字一首。

駕言尋鳳侶，乘歡俯鴈池。班荆逢舊識，斟桂喜深知。
紫蘭方出逕，黃鸝未轉枝。別有陶春日，青天雲霧披。
高正臣晦日重宴同用池字一首。

芳辰重遊衍，乘景共追隨。班荆陪舊識，傾蓋得新知。
水葉分蓮沼，風花落柳枝。自符河朔趣，寧羨山陽池。

小寒食

杜甫小寒食舟中作一首

佳辰強飲食，猶寒隱几蕭條。戴鶡冠，春水船如天上。

坐老年花似霧中，看娟娟戲蝶過閑幔。片片輕鷗下，
急湍雲白山，青萬餘里。愁看直北是長安。

寒食

沈佺期寒食一首

普天皆滅燭，匝地盡藏烟。不知何處火，來就客心然。

杜甫寒食一首

寒食江村路，風花高下飛。汀煙輕冉冉，竹日淨暉暉。
田父要皆去，鄰家鬧不違。地偏相識盡，鷄犬亦忘歸。

王維寒食城東即事一首

清溪一道穿桃李，演漾綠浦涵白芷。溪上人家凡幾

家落花半落東流水蹴踘屢過飛鳥上鞦韆競出垂
楊裏少年分日作遨遊不用清明燕上巳

王昌齡寒食卽事一首

晉陽寒食地風俗舊來傳雨滅龍蛇火春生鴻鴈天
泣多流水漲歌發舞雲旋西見之推廟空爲人所憐
李嶠寒食清明早赴王門率成一首

遊客趨梁邸朝光入楚臺槐烟乘曉散榆火應春開
日帶晴虹上花隨早蝶來雄風乘令節餘吹拂輕灰
常承慶寒食應制一首

鳳城春色晚龍禁早暉通舊火收槐燧餘寒入桂宮

鶯啼正隱葉鷄聞始開籠藹藹遙山滿仙歌始樂風

張說奉和聖製寒食應制一首

寒食春過半花穠鳥復嬌從來禁火日會接清明朝
闢敵鷄殊勝爭毬馬絕調晴空數雲點香樹百花搖
改木迎新燧封田表舊燒皇情愛佳節傳曲與簫韶
玄宗初入秦川路寒食一首

洛川芳樹映天津灞岸垂楊翠地新直爲經過行樂
處不知虛度兩京春去年餘閨今年早曙色和風着
花草可憐寒食與清明光輝並在長安道自從關路
入秦川爭到何人不戲鞭公子途中妨蹴踘佳人馬

上廢鞦韆渭水長橋今欲度忽忽漸見新豐樹遠看
驪岫入雲霄預想湯池起煙霧霧氣氤氳水殿開暫
拂香泉歸去來今歲清明行已晚明年寒食更相陪
張說奉和聖製初入秦川路寒食一首

上陽柳色喚春歸臨渭桃花拂水飛總爲朝廷巡幸
去頓教京洛少光輝昨從分陝山南口馳道依依漸
花柳入關正投寒食前還京遂落清明後路上天心
重豫遊御前恩賜特風流便幕那能鏤鷄子行宮善
巧貼毛裘渭橋南渡花如撲麥隴青青斷人目漢家
行樹直新豐秦地驪山抱溫谷溫谷香池春溜平預

歡浴日照京城今歲隨宜過寒食明年陪宴作清明

宋之問寒食題臨江驛一首

馬上逢寒食愁中屬暮春可憐江浦望不見洛陽人
北極懷明主南溟作逐臣故園腸斷處日夜柳條新
崔融和宋之問寒食題臨江驛一首

春分自淮北寒食渡江南忽見潁陽水疑是宋家潭
明主闕難叫孤臣逐未堪遙思故園陌桃李正酣
胡皓和宋之問寒食題臨江驛一首

聞道山陰會仍爲火忌長途中耳棄日江上苦傷春
流水翻催泪寒灰更伴人丹心終不改白髮爲誰新

張說襄陽路逢寒食一首

去年寒食洞庭波今年寒食襄陽路不辭着處尋山
水祇畏還家落春暮

沈佺期領表寒食一首

嶺外逢寒食春來不見飭洛中新甲子何日是清明
花柳爭朝發軒車滿路迎帝鄉遙可念腸斷報親情

王維寒食汜上作一首

廣武城邊逢暮春汶陽歸客淚沾巾落花寂寂啼山
鳥楊柳青青渡水人

宋之問寒食江州蒲塘驛一首

去年上巳洛橋邊今年寒食廬山曲遙憐鞏樹花應
滿復見吳洲草新綠吳洲春草蘭杜芳感物思歸懷
故鄉驛騎明朝發何處猿聲今夜斷君腸

杜淹咏寒食聞鷄應秦王一首

寒食東郊上揚講競出籠花冠初照日芥羽正生風
顧敵知心勇先鳴覺氣雄長翹頻掃陣利爪屢誦中
飛毛遍綠野灑血漬芳藜雖然百戰勝會自不論功

沈佺期和常州崔使君寒食夜一首

聞道清明近春闌向夕闌行遊晝不厭風物夜宜看
斗柄更初轉梅香暗裏殘無勞秉華燭晴月在南端

唐詩卷之八
宋之問寒食陸渾別業一首

洛陽城裏花如雪
陸渾山中今始發
旦別河橋楊柳
風夕卧伊川
桃李月伊川
桃李正芳新
寒食山中酒
復春堊老不知
堯舜力
醉歌一曲
太平人

蘇頲寒食安于中舍兄弟宅一首

子推山上歌龍罷
定國門前結駟來
始覩元昆鏘玉
至旋聞季子佩刀
迴晴花處處
因風起御柳
條條向日開
自有長筵歡不極
還持綵勝咏南陔

孟浩然李少府再來一首

弱歲早登龍
今來喜再逢
如何春月柳
猶憶歲寒松

烟火臨寒食
笙歌達晚鍾
誼誼聞鷄道
行樂羨朋從

杜甫熟食日示宗文宗武一首

消渴游江漢
羈栖尚甲兵
幾年逢熟食
萬里逼清明
松柏邛山路
風花白帝城
汝曹催我老
回首淚縱橫

杜甫又示兩兒一首

令節成吾老
它時見汝心
浮生看物變
爲恨與年深
長葛書難得
江洲涕不禁
團圓思弟妹
行坐白頭吟

清明

杜甫清明一首

著處繁華矜是日
長沙千人萬人出
渡頭翠柳艷明

眉爭道朱蹄驕嚙膝此都好遊湘西寺諸將亦自軍
中至馬援正行在眼前葛強親近同心事金鎧下山
紅粉晚牙檣揆施青樓遠古時喪亂皆可知人世悲
歡暫相遣弟姪雖存不得書干戈未息苦離居逢迎
少壯非吾道况乃今朝更祓除

駱賓王鏤鷄子一首

幸遇清明節欣逢舊練人刻花爭臉態寫月競眉新
景罷空餘月詩成併道春誰知懷王者含嚮未吟晨
祖詠清明宴司勳劉卽中別業一首

田家復近臣行樂不違親霽日園林好清明煙火新

以文常有會唯德自成鄰池照窓陰晚杯觴樂味春
簷前花覆地竹外鳥窺人何必桃源裏深居作隱淪
張說清明日詔宴寧王池賦得飛字一首

今日清明宴佳景惜芳菲搖揚花襟下嬌嚮鶯亂飛
綠渚傳歌榜紅橋度舞旂和風偏應律細雨不沾衣
承恩如改火春去春來歸

杜甫清明二首

朝來新火起新烟湖色春光淨客船綉羽衝花他自
得紅顏騎竹我無緣胡童結束還難有楚女腰肢亦
可憐不見定王城舊處常懷賈傅井依然虛霑焦舉

為寒食寔籍君平賣卜錢
鍾鼎山林各天性濁醪粗
飯任吾年

此身飄泊苦西東右臂偏枯半耳聾
寂寂緊舟雙下淚悠悠伏枕左書空
十年蹴踘將雛遠萬里鞦韆習俗同
旅廡上雲歸紫塞家人鑽火用青楓
秦城樓閣煙花裏漢主山河錦綉中
風水春來洞庭闊白蘋愁殺白頭翁

唐詩類苑第八卷終

唐詩類苑第九卷

仁和卓明卿澂父編輯
華亭張之象玄超

長洲毛文蔚豹孫同校

歲時部

三月三

宋之問桂州三月三日一首

代業京華裏遠投矐魅鄉登高望不見雲海四茫茫
伊昔承休盼曾為人所羨兩朝賜顏色二紀陪遊宴
昆明御宿侍龍媒伊闕天泉復幾迴西夏黃河水心

唐詩類苑 卷之九
劍東周清洛羽觴杯苑中落花掃還合河畔垂楊撥
不開千春獻壽多行樂栢梁和歌攀睿作賜金分帛
駐光輝風舉雲遙入紫微晨趨北闕鳴珂至夜出南
宮把燭歸載筆儒林多歲月僕被文昌佐吳越
山水高且深興來無處不登臨永和九年刺海郡暮
春三日醉山陰愚謂嬉遊長似昔不言流寓欲成今
始安繁華舊風俗張飲傾城拂江曲主人絲管清且
悲客子肝腸斷還續荔浦蘅臯萬里餘洛陽音信絕
能踈故園今日應秋思曲水何能更後除作伴誰憐
合浦葉思歸豈食桂江魚不求漢使金囊贈願得佳

人錦字書

萬齊融三日綠潭篇一首

春潭滉漾接隋宮
闕連延潭水東
蘋苔嫩色含波
綠桃李新花照底
紅垂菱布藻如粧
鏡麗日晴天相
照映素影沉
匕對蝶飛金砂礫
匕窺魚泳佳人
袂襖賞韶年
傾國傾城併可憐
捨翠總來芳樹下
踏青爭近綠潭邊
公子王孫恣遊玩
沙場水曲情無厭
禽浮似揖羽觴杯
鱗躍疑投水心劍
金鞍玉勒騁輕肥
落絮紅塵擁路飛
綠水殘霞催席散
畫樓初月待人歸

袂襖曲三首

厚言委死 卷之九 二 新齊風本
昨見春條綠那知秋葉黃蟬聲猶未斷寒鴈已成行

二

金谷園中柳春來已舞腰那堪好風景獨上洛陽橋

三

何處堪愁思花間長樂宮君王不重客泣淚向春風

沈佺期上巳日袂渭濱應制一首

寶馬香車清渭濱紅桃碧柳袂堂春皇情尚憶垂竿
佐天祚先承捧劍人

李義上巳日袂渭濱應制一首

中園花柳暮春時元巳陪遊樂在茲此日欣逢臨渭

賞昔年空道濟汾詞

劉憲上巳日袂渭濱應制一首

桃花欲落柳條長沙頭水色足風光此時御蹕來游
處願奉年七袂後觴

韋嗣立上日袂渭濱應制一首

乘春袂襖逐風光扈蹕陪鸞渭渚傍還笑當時水濱
老衰年八十待文王

徐彥伯上巳日袂渭濱應制一首

晴風麗日滿芳洲柳色春筵袂錦流皆言侍蹕橫溪
燕颯似乘槎天漢遊

張說上巳日祓禊渭濱應制一首

青郊上巳艷陽年紫禁皇遊禊渭川幸得歡娛承湛露心同草樹樂春天

常建三日尋李九莊一首

雨歇楊林東渡頭永和三日盪輕舟故人家在桃花岸直到門前溪水流

閻朝隱三日曲水侍宴應制一首

三月重三日千春續萬春聖澤如東海天文似北辰荷葉珠盤淨蓮花寶蓋新陛下制萬國臣作水心人

王勃三月曲水宴得烟字一首

彭澤官初去河陽賦始傳田園歸舊國詩酒間長筵

列室窺丹洞分樓瞰紫煙紫迴亘津渡出沒控郊鄩

鳳琴調上客龍轡儼群仙松石偏宜古藤蘿不記年

重簷交密樹復鐙擁危泉抗石晞南嶺乘沙眇北川

傳崑來築處磻谿入釣前日斜真趣遠幽思楚京蟬

廬昭隣三月曲水宴得樽字一首

風煙彭澤里山水仲長園由來棄銅墨本自重琴樽

高情貌不嗣雅道今復存有美光時彥養德坐山樊

門開芳杜逕室距桃花源公子黃金勒仙人紫氣軒

長懷去城市高詠狎蘭蓀連沙飛白鷺孤嶼嘯玄猿

唐詩類苑 卷之九 唐詩部 四 卷之九 唐詩部 四 卷之九 唐詩部 四
日影崑前落雲光江上翻興闌車馬散林塘夕鳥喧

陳子昂于長史山池三日曲水宴一首

摘蘭藉芳月夜宴坐迴汀沉灩清流滿歲蕤白芷生
金絃揮趙瑟玉柱弄秦箏曲榭風光媚郊園春樹平
煙花飛御道羅綺照昆明日落紅塵合車馬亂縱橫

王維三月三日曲江侍宴應制一首

萬乘親齋祭千官喜豫遊奉迎從上死
夜袂向中流草樹連容衛山河對冕旒
畫旗搖浦淑春服滿汀洲仙樂龍媒下
神臯鳳蹕留從今億萬歲天寶紹春秋

趙良器三月三日曲江侍宴應制一首

聖祖發神謀靈符叶帝求一人光錫命萬國荷時休
雷解圜丘畢雲需曲水遊岸花迎步輦仙仗擁行舟
睿漢天中降恩波海外流小臣同品物陪此樂皇猷

沈佺期三日禁園侍宴一首

九重馳道出上巳禊堂開畫鷁中川動青龍上苑來
野花飄御座河柳拂天杯日晚迎祥處笙鏞下帝臺

張九齡三月二日登龍山一首

伊川與霸津今日祓除人豈似龍山上還同湘水濱
衰顏憂更老淑景望非春禊飲豈吾事聊將偶俗塵

張九齡三月三日申王園亭宴集一首

稽亭追往事，睢苑勝前聞。飛閣凌芳樹，華池落綵雲。
藉草人留酌，御花鳥赴群。向來同賞處，惟恨碧林曛。
王勃上巳浮江宴分韻得陞字一首

披觀玉京路，駐賞金臺趾。逸興懷九仙，良辰傾四美。
松吟白雲際，桂馥青溪裡。別有江海心，日暮情何已。
王勃上巳浮江宴分韻得滯字一首

上巳年光促，中川興緒遙。綠齊山葉滿，紅洩片花銷。
泉聲喧後澗，虹影照前橋。遽悲春望遠，江路積波潮。
崔顥上巳一首

巳日帝城春，傾都袂辰停。車須傍水奏，樂要驚塵

弱柳障行騎，浮橋擁看人。猶言日早晚，更向九龍津。

孟浩然洛中寄王九迥一首

卜洛成周地，浮杯上巳筵。開鷄臠食下，走馬射堂前。
垂柳金堤合，平沙翠幙連。不知王逸少，何處會群賢。

杜甫上巳日徐司錄林園宴集一首

鬢毛垂領白花蔬，亞枝紅欹倒。衰年廢招尋，令節同
薄衣。臨積水，吹面受和風。有喜畱攀桂，無勞問轉蓬。
沈佺期和上巳連寒食有懷京洛一首

天津御柳碧，遙上軒騎相。從半下朝行，樂光輝寒食。
倍太平。歌舞晚春饒，紅粧樓下東。迴輦青草洲，邊南

原詩卷外
卷之九
九
渡橋坐見司空掃西第看君侍從落花朝

陳希烈奉和聖製二日一首

上巳遷龍駕中流泛羽觴酒因朝太子詩爲樂賢王
錦纜方舟渡瓊筵大樂張風搖垂柳色花發異林香
笙老歌無事朝臣飲歲芳皇情被群物中外洽恩光
王維奉和聖製上巳於望春亭觀禊飲應制

一首

長樂青門外宜春小苑東樓開萬戶上輦過百花中
畫鷁移仙妓金貂列上公清歌邀落日妙舞向春風
渭水明秦甸黃山入漢宮君王來袞襖灞滻亦朝東

王維奉和聖製與太子諸王三月三日龍池

春禊應制一首

故事脩春禊新宮展豫遊明君移鳳輦太子出龍樓
賦掩陳王作杯如洛水流金人來捧劔畫鷁出迴舟
苑樹浮宮闕天池照冕旒宸章在雲表垂象滿皇州
王維三月三日勤政樓侍宴應制一首

絲仗連霄合瓊樓拂曙通年光三月裡宮殿百花中
不數秦王日誰將洛水同酒筵嬉落絮舞袖怯春風
天保無爲德人歡不戰功仍臨九衢宴更達四門聰
崔國輔奉和上巳袞襖應制一首

元日秦中節吾君灞上游鳴鑾通禁苑別館繞芳洲
鵝鷺千官列魚龍百戲遊桃花春欲盡穀雨夜來收
慶賞堯尊祝歡從楚棹謳逸詩何足對宵作掩東周

四月八

駱賓王四月八日題七級一首

化成分鳥堞香合俯龍川複棟侵黃道重簷架紫煙
銘書非晉代壁畫是梁年霸略今何在王宮尚巍然
二帝曾遊聖三鄉是寓賢因茲遊聖侶超彼託良緣
我出有爲界君祭非想天悠七青壙裡蕩七白雲前
今日經行處曲音號蓋煙

五月五

杜甫端午日賜衣一首

宮衣亦有名端午被恩榮細葛含風軟香羅疊雪輕
自天題處濕當暑著來清意內稱長短終身荷聖情
萬楚五日觀妓一首

西施謾道浣春紗碧玉今時聞麗華眉黛奪將萱草
色紅裙妬殺石榴花新歌一曲令人艷醉舞雙眸歛
髻斜誰道五絲能續命却令今日死君家

張說岳州觀競渡一首

畫作飛鳧艇雙七競拂流袷裝山色變急棹水華浮

唐詩卷之六
卷之六
土尚三閭俗江傳二女遊齊歌迎孟姥獨舞送暘侯
鼓發南湖洙標爭西驛樓並驅恒詭速非畏日光道
玄宗端午三殿宴群臣一首
五月符天數五音調夏鈞舊來傳五日無事不稱神
穴枕通靈氣長絲續命人五花時競巧九子粽爭新
方殿臨華節圓宮宴雅人進對一言重道文六藝陳
股肱良足詠風化可還淳

張說端午三殿侍宴應制一首

小暑夏絃應徽音商管初願齊長命縷來續大恩餘
三殿寒珠箔群臣上玉除助陽嘗麥蕪順節進龜魚

耳露垂天酒之花捧御書含丹同蠖螟灰骨共蟾蜍
今日傷蛇意銜珠遂闕如

七月七

崔顥七夕一首

長安城中月如練家家此夜持針線仙裙玉珮空自
知天上人間不相見長信深陰夜轉幽瑤階金閣數
螢流班姬此夕愁無限河漢三更看斗牛

祖詠七夕一首

閨女求天女更闌意未闌玉庭開粉席羅袖捧金盤
向月穿針易臨風整線難不知誰得巧明日試相看

杜審言七夕一首

白露含明月青霞斷絳河天街七裏轉閤道二神過
袂服鏘環珮香筵拂綺羅年七今夜盡機杼別情多
孟浩然他鄉七夕一首

他鄉逢七夕旅館益羈愁不見穿針婦空懷故國樓
緒風初減熱新月始登秋誰忍窺河漢迢七問斗牛
高宗七夕宴玄圃二首

羽蓋飛天漢鳳駕越層巒俱歎三秋阻共叙一宵歡
璜虧夜月落靨碎曉星殘誰能重操杼織手濯清瀾

二

霓裳轉雲露鳳駕凌天潢虧星凋夜靨殘月落朝璜
促歡今夕促長離別後長輕梭聊駐織掩淚獨悲傷
許敬宗奉和七夕宴玄圃應制二首

牛閨臨淺漢鸞駟涉秋河兩懷縈別緒萬縷慶停梭
星模鏡裡靨月寫黛中娥奈許今霄度長嬰離別多

二

娑闈期今夕娥輪泛淺潢迎秋伴暮雨待映合神光
薦寢低雲髮呈態解霓裳喜中愁漏促別後怨天長

杜審言奉和七夕宴兩儀殿應制一首

一年銜別怨七夕始言歸歛淚開星靨微步動雲衣

天迴免欲落河曠鵲停飛那堪盡此夜復往弄殘机
李嶠奉和七夕宴兩儀殿應制一首

靈匹三秋會仙期七夕過查來人泛海橋渡鵲填河
帝纓升銀閣天机罷玉梭誰言七襄詠重入五絃歌

劉憲奉和七夕宴兩儀殿應制一首

秋吹過雙闕星仙動二靈更深移月鏡河淺度雲駟
殿上呼方朔人間識武丁天文茲夜裡光映紫微庭

趙彥昭奉和七夕宴兩儀殿應制一首

青女三秋節黃姑七日期星橋渡玉珮雲閣掩羅幃
河氣通仙掖天文入睿詞今霄望靈漢應得見娥眉

李义奉和七夕宴兩儀殿應制一首

桂宮明月夜蘭殿起秋風雲漢弥年阻星筵此夕同
倏來疑有處旋去已成空睿作鈞大響魂飛在夢中

蘇頲奉和七夕宴兩儀殿應制一首

靈媛乘秋發仙裝警夜催月光窺欲度河色辨應來
機石天文寫針樓御賞開竊觀青鳥至疑向鵲橋迴

盧照隣七夕泛舟一首

汀葭肅徂暑江樹起初涼水疑通織室舟似泛仙潢
連橈渡急嚮鳴棹下浮光日晚菱歌唱風烟滿夕陽

何仲誼七夕賦詠成篇一首

日心忠歸勤理髮朝上佇望懶調梭凌風寶扇遙臨
月映水仙車遠渡河歷歷金星疑施珮冉冉雲衣似
曳羅通霄道意終無盡向曉離愁已復多

沈叔安七夕賦咏成篇一首

皎皎霄月麗秋光耿耿天津橫復長停梭且復留殘
縹拂鏡及早更新粧彩鳳齊駕初成輦雕鵲填河已
作梁雖喜得同今夜枕還愁重空明日牀

凌敬七夕賦咏成篇一首

夙駕鳴鸞啓閭闔霓裳遙裔儼天津五明霜紈開羽
羽百和香車動畫輪姍姍夜分能幾許靚粧冶服爲

誰新片時歡娛自有極已復長望隔年人

許敬宗七夕賦咏成篇一首

一年抱怨嗟重別七夕含態始言歸飄七羅襪光天
步灼灼新粧鑒月輝惟催巧笑開星靨不惜呈露解
雲衣所歎却隨更漏盡掩泣還弄昨宵機

張文恭七夕一首

鳳律驚秋氣龍梭靜夜機星橋百枝動雲路七香飛
映月迴雕扇凌霞曳綺衣含情向華幄流態入重闈
歡餘夕漏盡怨結曉驂歸誰念分河漢還憶兩心違
任希古和東觀群賢七夕臨泛昆明池一首

唐詩卷之九
秋風始搖落秋水正澄鮮
飛眺牽牛渚激賞鏤鯨川
岸珠淪曉魄池仄歛曙烟
泛查分爲漢儀星別架天
雲光波處動月影浪中懸
驚鴻結滿弋游鯉入莊筮
萍葉疑江上菱花似鏡前
長林代輕幄細草即芳筵
文華開翠漱筆海控清漣
不挹蘭鐔聖空仰桂舟仙
杜甫牽牛織女一首

牽牛出河西織女處其東
萬古永相望七夕誰見同
神光意難候此事終朦朧
颯然精靈合何必秋遂通
亭亭新粧立龍駕具曾空
世人亦爲尔祈請走兒童
稱家隨豐儉白屋達公宮
膳夫翊堂殿鳴玉淒房櫳

曝衣遍天下曳月揚微風
蛛絲小人態曲綴瓜果中
初筵瀼重露日出其所終
嗟汝未嫁女秉心鬱忡忡
防身動如律竭力機杼中
雖無舅姑事敢昧織作功
明明君臣契咫尺或未容
義無棄禮法恩始夫婦恭
小大有佳期戒之在至公
方圓苟齟齬丈夫多英雄
宋之問牛女一首

粉席秋期緩針樓別怨多
奔龍爭渡月飛鵲亂填河
失喜先臨鏡含羞未解羅
誰能留夜色來夕倍還梭
王灣閏月七日織女一首

耿耿曙河微神仙此夜稀
今年七月閏應得兩迴歸

沈佺期曝衣篇一首

君不見昔日宜春太液邊披香畫閣與天連燈華灼
爍九微映香氣氤氳百和燃此夜星繁河正白人傳
織女牽牛客宮中擾擾曝衣樓天上娥娥紅粉席舒
羅散縠雲霧開綴玉垂珠星漢迴朝霞散綵羞衣架
曉月分光劣鏡臺上有仙人長命絳中看玉女迎歡
綉玳瑁筵中別作春珊瑚窻裡翻成畫椒房金屋籠
新流意氣嬌奢不自由漢文官惜露臺費晉代須焚
前殿裘

立秋

杜甫立秋後題一首

日月不相饒節序昨夜隔玄蟬無停號秋燕已如客
平生獨往願惆悵年半百罷官亦由人何事拘形役

孫逖立秋日題安昌寺北山亭一首

樓觀倚長霄登攀及霽朝高如石門頂勝擬赤城標
天路雲虹起人寰氣象遙山圍碧禹廟江落五胥潮
徂暑迎秋薄涼風是日飄菓林惟苦李萍水覆耳蕉
覽古嗟夷滂凌空愛沈寥更聞金刹下鍾梵晚簫七

中秋

李嶠中秋月二首

盈缺青冥外東風萬古吹何人種丹桂不長出輪枝

二

圓魄上寒空皆言四海同安知千里外不有兩兼風

杜甫八月十五夜月二首

滿目飛明鏡歸心折大刀轉蓬行地遠攀桂仰天高
水路凝霜雪林棲見羽毛此時瞻白兔直欲數秋毫

二

稍下巫山峽猶啣白帝城氣沉全浦暗輪側半樓明
刁斗皆催曉蟾蜍且自傾張弓倚殘魄不獨漢家營

杜甫十六夜翫月一首

舊挹金波爽皆傳玉露秋關山隨地濶河漢近人流
谷口樵歸唱孤城笛起愁巴童渾不寢半夜有行舟

杜甫十七夜對月一首

秋月仍圓夜江村獨老身捲簾還照客倚仗更隨人
光射潛蚪動明翻宿鳥頻荝齋依橘柚清切露華新

唐詩類苑第九卷終



